

Ùi tiòh Sènglī Kámun Kító

- 1 Lín tiòh kámsiā SiōngChú, inūi l sī hó;
Inūi l ê chùài éngoán chûnchāi!
- 2 Goān Isulael kóng,
l ê chùài éngoán chûnchāi!
- 3 Goān Alông ê ke kóng,
l ê chùài éngoán chûnchāi!
- 4 Goān kèngùi SiōngChú ê lāng kóng,
l ê chùài éngoán chûnchāi!
- 5 Góa tī kiplān tiong kiûkiò SiōngChú,
SiōngChú tòh ìntap góa, koh kā góa hē tī
khuikhoah ê sóchāi.
- 6 Ū SiōngChú kah góa tôngchāi, góa tòh bô
kiaⁿhiāⁿ,
lāng ē tàng kā góa ánchóaⁿ?
- 7 SiōngChú kah góa tôngchāi; l sī góa ê
pangchān,
sǒi, góa beh khòⁿkìⁿ hiahê oànⁿhūn góa ê lāng
chosīū pòèng.
- 8 Tāukhò SiōngChú,
pí óakhò lāng khah hó;
- 9 tāukhò SiōngChú,
pí óakhò sèchiūⁿ ê kunông khah hó.
- 10 Bānbîn ûikhùn góa,
m̄ koh góa óakhò SiōngChú ê miā beh kā in
chiántū.
- 11 In sībīn ûikhùn góa,

為 tiòh 勝利感恩祈禱

- 1 Lín tiòh 感謝上主，因為祂是好；
因為祂 ê 慈愛永遠存在！
- 2 願以色列講：
祂 ê 慈愛永遠存在！
- 3 願亞倫 ê 家講：
祂 ê 慈愛永遠存在！
- 4 願敬畏上主 ê 人講：
祂 ê 慈愛永遠存在！
- 5 我 tī 急難中求叫上主，
上主 tòh 應答我，koh kā 我 hē tī 開闊 ê 所
在。
- 6 有上主 kah 我同在，我 tòh 無驚惶，
人 ē tàng kā 我 án 怎？
- 7 上主 kah 我同在；祂是我 ê 幫贊，
所以，我 beh 看見 hiahê 怨恨我 ê 人遭受報
應。
- 8 投靠上主，
比 óa 靠人 khah 好；
- 9 投靠上主，
比 óa 靠世 chiūⁿ ê 君王 khah 好。
- 10 萬民圍困我，
m̄ koh 我 óa 靠上主 ê 名 beh kā in 剪除。
- 11 In 四面圍困我，

m̄ koh góa óakhò SiōngChú ê miâ beh kā in chhūbiát.

12 In chhinchhiūⁿ phangtīn pauūi góa,

m̄ koh in beh chhinchhiūⁿ sio chhìphè ê hóe chin kín tòh hông phah hoa khi;

góa óakhò SiōngChú ê miâ beh kā in chiántū.

13 Lí chhut tōalát beh kā góa chhiató,

m̄ koh, SiōngChú pangchān góa.

14 SiōngChú sī góa ê khùilát, sī góa ê siko;

I mā hō góa tit tiòh chin kiù.

15 Tī gīlāng ê pòpêⁿ lāi ū hílòk kah sènglī ê hoan hō siaⁿ, kóng,

"SiōngChú ê chiàⁿchhiú si hêng tōa koānlêng!

16 SiōngChú ê chiàⁿchhiú giáh koān;

SiōngChú ê chiàⁿchhiú si hêng tōa koānlêng!"

17 Góa bē tìkàu sí, khiok ē chūnoáh,

koh beh soaniông SiōngChú ê chokūi.

18 SiōngChú khaksit bat giāmlē koánkà góa;

chóng sī, I m̄ bat kā góa kau tī síbông.

19 Goān konggī ê m̄ng ūi góa phahkhui;

góa beh jìpkhì kámsiā SiōngChú.

20 Che sī SiōngChú ê m̄ng;

gīlāng beh tui chia jìp khi!

21 Góa beh kámsiā Lí, inūi Lí íkeng ìntap góa,

koh íkeng chiāⁿchò góa ê chin kiù!

22 Khí chhù sai hū só khìsak ê chiòh,

íkeng chiāⁿchò chhùkakthâu ê kichiòh.

23 Che sī SiōngChú ê chokūi,

m̄ koh 我 óa 靠上主 ê 名 beh kā in 剿滅。

12 In 親像蜂陣包圍我，

m̄ koh in beh 親像燒刺 phè ê 火真緊 tòh hông phah hoa 去；

我 óa 靠上主 ê 名 beh kā in 剪除。

13 你出大力 beh kā 我 chhia 倒，

m̄ koh，上主幫贊我。

14 上主是我 ê 氣力，是我 ê 詩歌；

祂 mā hō 我得 tiòh 拯救。

15 Tī 義人 ê 布棚內有喜樂 kah 勝利 ê 歡呼聲，講：

「上主 ê 正手施行大權能！

16 上主 ê 正手 giáh koān；

上主 ê 正手施行大權能！」

17 我 bē 致到死，卻 ē 存活，

koh beh 宣揚上主 ê 作為。

18 上主確實 bat 嚴厲管教我；

總是，祂 m̄ bat kā 我交 tī 死亡。

19 願公義 ê 門為我 phah 開；

我 beh 入去感謝上主。

20 這是上主 ê 門；

義人 beh tui chia 入去！

21 我 beh 感謝祢，因為祢已經應答我，

koh 已經成做我 ê 拯救！

22 起厝師傅所棄 sak ê 石，

已經成做厝角頭 ê 基石。

23 這是上主 ê 作為，

Tī lán ê gántiong sī kîbiâu ê.

24 Che sī SiōngChú só tiāⁿtiòh ê jitchí,

lán tiòh tī chit jít tiongkan hoaⁿhí khoàilók!

25 SiōngChú ah, kiû Lí chínkiù!

SiōngChú ah, kiû Lí hō goán hengthong!

26 Hōng SiōngChú ê miâ lâi ê Hit Ūi engkai tit tiòh oló!

Goán tùi SiōngChú ê tiān chiokhok lín!

27 Léhóbah sī SiōngChú, I ê kng chiò goán;

lín tiòh ēng soh'á pák chèsū ēng ê chengseⁿ,
koh khan kàu tôaⁿkak hia.

28 Lí sī góa ê SiōngChú, góa beh kámsiā Lí!

Lí sī góa ê SiōngChú, góa beh chunchông Lí!

29 Lín tiòh kámsiā SiōngChú, inūi I sī hó!

Inūi I ê chùai éngoán chûnchāi!

tī 咱 ê 眼中是奇妙 ê。

24 這是上主所定 tiòh ê 日子，

咱 tiòh tī chit 日中間歡喜快樂！

25 上主 ah，求祢拯救！

上主 ah，求祢 hō阮興通！

26 奉上主 ê 名來 ê Hit 位應該得 tiòh oló！

阮 tùi 上主 ê 殿祝福 lín！

27 耶和華是上主，祂 ê 光照阮；

lín tiòh 用索 á 縛祭祀用 ê chengseⁿ，koh 牽
到壇角 hia。

28 祢是我 ê 上主，我 beh 感謝祢！

祢是我 ê 上主，我 beh 尊崇祢！

29 Lín tiòh 感謝上主，因為祂是好！

因為祂 ê 慈愛永遠存在！